

**MANSUR YUNUS**

**TONG  
SABOLARI**

**Toshkent – 2011**

**Mas'ul muharrir:**

Nazira as-Salom,  
“Muhammad Yusuf” fondi direktori

**Taqrizchilar:**

Ra'no Zaripova,  
O'zbekistonda xizmat ko'rsatgan jurnalist  
Abbos Said,  
O'zbekiston Yozuvchilar uyushmasi a'zosi,  
Saodat Sultonsaidova,  
filologiya fanlari nomzodi, dotsent

Ushbu kitob mamlakatimiz mustaqilligining 20 yilligiga bag`ishlanadi

Mazkur nashr umumta'lim maktablari va maktabgacha ta'lim muassasalari  
o'quvchilariga qo'shimcha o'qish uchun mo'ljallangan

## IJODIY PARVOZ TILAB

Bolalarga kitob yozmoq uchun bolalikka qaytib bormoq kerak. Boshlagan kitobingga oxirgi nuqta qo'yguningcha bola bo'lib yashashing zarur.

Bolalik orzulari bir nuqtada turmaydi. har daqiqada o'zgaradi. Bir kuni militsioner bo'lging kelsa, ertasiga uchuvchi bo'lging keladi. Ko'ngilga tukkan bu niyatlaring sal fursatdan keyin o'zgaradi-yu, birdan josus tutadigan askar bo'lging kelib qoladi. Polvon bo'lib hammani qoyil qoldirging, masxaraboz bo'lib sirkda yuzlab odamni kuldirging, o'rmonlaru to'qaylarda yo'lbars ovlab terisini shilib kelging, senga ikki qo'ygan o'qituvchingni lol qoldirging keladi.

Bolalikka bayramlar yarashadi, bolalar bayramlarni hammadan ham ko'proq hush ko'rishadi. Mansur Yunusning navbatdagi to'plami bolalar va o'smirlarning ayni shu ayyomlarda dilida kechadigan hislarning she'riy ifodasidir, nazarimda. Mustaqillik bayrami, Ustoz va murabbiylar kuni, Davlat tili qabul qilingan kun, Yangi yil bayrami, Vatan himoyachilari kuni, Onajonlar bayrami, Navro'z bayrami, qushlar va gullar bayrami, qovoq sayli va boshqa bir qator muhim sanalarga, ayyomlarga atab bitgan she'rlari sodda va ravon tilda yozilgani sababli ham bolajonlarning qalbidan tezda joy topishiga ishonaman.

Mansurjon yilning to'rt fasli mo'jizalariga bolalarning ko'zi bilan boqib, dildagi hislarini she'rga soladi, uning to'plamdan o'rin olgan hamma she'rlari ham bolalarbop shirali tilda bitilgan. Aynan shu jihati bilan yosh shoirning yozganlari bolalar orasida tezda yod bo'lib ketadi, degan umiddaman.

**Xudoyberdi TO'XTABOEV,  
O'zbekiston Xalq yozuvchisi**

*Ushbu kitob mamlakatimiz  
mustaqilligining 20 yilligiga bag`ishlanadi.*

*1 – sentabr. Mustaqillik kuni*

## **Yagonasan, muqaddas Vatan**

Vatan sening nomingni,  
Doim kuyga solaman.  
Farzandlik burchin oqlab  
Senga sodiq qolaman.

\* \* \*

Istiqlol ulug` ne`mat,  
Bobolarim orzusi.  
Momolarim duosida,  
Mangu, ma`vo qolg`usi.

\* \* \*

Ona yurtim, bog`laring chaman,  
Istiqloling abadiy bo`lsin.  
Sen suyukli, ulug`san,  
Yagonasan, muqaddas Vatan.

\* \* \*

Sen buyuk, muqaddassan,  
Onajon – O'zbekiston.  
Ayyoming bo`lsin qutlug`  
Zavol ko'rma hech qachon.

*1-oktabr. Ustoz va murabbiylar kuni*

### **Mehri daryo ustozlar**

Mehringiz cheksiz erur,  
Mehri daryo ustozlar.  
Har so'zingiz tabarruk  
Qalbga ziyo ustozlar.

\* \* \*

Sizning saboqlaringiz,  
Qalbimizga jo bo'lgay.  
To'g`ri yo'l, katta hayot  
Sari etaklab yurgay.

\* \* \*

Barchamizni farzandim deb,  
Qabul etgan ustozlar.  
A'lo o'qi, to'g`ri yur deb  
Saboq bergan ustozlar.

\* \* \*

Siz borsizki, qalbimizda,  
Tafakkur, ziyo bordur.  
Siz borsizki, yo'limizda  
Baxt, omad, zafar yordur.

*18-noyabr. Bayroq qabul qilingan kun*

### **Senda aks etgan tinch osmonimiz**

Hilpiraysan sollanib,  
Yurtim buyuk bayrog`i.  
Kamalakdek tovlanib  
Baland bo'l, o'zbek ramzi.

\* \* \*

Senda aks etgan tinch osmonimiz,  
Senda ta'rif topgan hur bo'stonimiz,  
Viloyat, shaharlar gulistonimiz  
Sen ezgulik ramzi, muqaddas bayroq.

\* \* \*

Sen hilpirab bizlarni,  
Shonli yo'lga boshlaysan.  
Ko'zga surtgaymiz abad  
Qalbimizda yashaysan.

\* \* \*

Sen o'zbekim nomini,  
Jahon ichra taratding.  
Kezib barcha yurtlarni  
Do'stlik yo'lin yaratding.

*31- oktabr. Davlat tili qabul qilingan kun*

## **Navoiyning dostonlari naqshisan**

Ona tilim, jonu dilim,  
Sensan buyuk zabonim.  
Beshikdanoq menga sirdosh  
Sen-la, topdim jahonim.

\* \* \*

Senda ulug` bobolarning so'zi bor,  
Senda o'zbek momorlarning alyori,  
Ona tilim, seni tanir bor jahon  
Senda buyuk allomalar asari.

\* \* \*

Navoiyning dostonlari naqshisan,  
So'ib?iron o'gitlari ramzisan,  
O'zbek elim yuzisan, yuragisan  
Ona tilim, mangu yasha, to abad.

\* \* \*

Onam aytgan allada,  
Nur taratgan ona tilim.  
Ertak, doston, yallada  
Jon baxsh etgan ona tilim.

*31-dekabr. Yangi yil bayrami*

## **Yangi yil, yangi olam**

Yangi yil, yangi olam,  
Quvonchlari bir jahon.  
Oppoq qor, oppoq tuyg`u  
Musaffo moviy osmon.

\* \* \*

Yangi yil archa bilan,

Qorbobo, qorqiz keldi.  
Oppoq qor parcha bilan  
Qalblar shodlikka to'ldi.

\* \* \*

Birdek yoshu-keksaga,  
Yangi yil sovg`asi bor.  
Prezident archasin  
Barcha bolalar kutar.

\* \* \*

Bolajonlar orzusi,  
Qorbobojon sovg`asi.  
Bari esda qolgusi  
Qor`iz ajib tuhfası.

*21 –mart. Navro'z bayrami*

## **Yurtimga Navro'z keldi**

Bir olam quvonch olib,  
Yurtimga Navro'z keldi.  
Sovuq kun ortda qolib,  
Har uyga rizq-ro'z keldi.

\* \* \*

Navro'z shirin taomi,  
Doshqozonda sumalak.  
Bu bahorning tuhfası,  
Darakchi gul boychechak.

\* \* \*

Osmonga uchar varrak,  
Qizlar egnida atlas.  
Navro'zoynig sehriga,  
Barcha qilishar havas.

\* \* \*

Bahor bu – yasharish,  
Yayraydi ko'ngil.  
Navro'zing muborak,  
Bo'lsin ona –Er.

*14 yanvar. Vatan himoyachilari kuni*

### **Ona Vatan mard o'g'lonlari**

Vatan chegarasini,  
Qo'riqlar mard o'g'lonlar.  
Ona er har qarichin  
Asragaydir posbonlar.

\* \* \*

Tuprog`ingni ko'zga surtib,  
To'tiyo aylagaymiz.  
Shu Vatan sarhadlarin,  
Avaylab, asragaymiz.

\* \* \*

Ona Vatan mard o'g'lonlari,  
Jasur, ziyrak, shijoatlidir.



Yurtni asragay polvonlari,  
O'ktam, bardosh, matonatlidir.

\* \* \*

Biz yurt bayrog`in olib,  
Doim olg`a yuramiz.  
Vatanga sodiq qolib,  
Chegarada turamiz.

*9 fevral. Navoiy tavallud topgan kun*

### **Hali ko'p o'rganamiz**

O'qiymiz sevib bizlar,  
Hazrati Navoyni.  
“Xamsa” ni o'qib takror,  
Yodlaymiz ruboiyni.

\* \* \*

Kuylab o'tdi haqiqatni,  
Buyuk Navoiy bobom.  
Kuyladi chin muhabbatni,  
U mangudir, bardavom.

\* \* \*

O'qib a'lochi bo'ldik,  
Navoiy asarlarin.  
Hali ko'p o'rganamiz,  
Yod etib, chaqib mag`zin.

\* \* \*

Ezgulikka chorlaydi,  
Navoiy asarlari.  
Har bir qalbda yashaydi,  
Purhikmat g`azallari.

*14 fevral. Bobur tavallud topgan kun*

### **Buyuk tarix mujassam**

Vatandan ko'p yiroqda,  
Yashab o'tdi shoh Bobur.  
Vatan uchun u tengsiz  
Ijod etdi shoh Bobur.

\* \* \*

Vatanga muhabbat bor,  
Bobur g`azallarida.  
Ezgulik, sog`inch bisyor  
Bobur asarlarida.

\* \* \*

Ham shoiru, shoh Bobur,  
Temuriylar naslidan.  
U qurgan minoralar  
Buyuk san'at aslidan.

\* \* \*

“Boburnoma” asarida,  
Buyuk tarix mujassam.  
Falsafiy g`azallarda

Ilmu ziyo bo'lur jam.

*8 mart. Xalqaro xotin-qizlar kuni*

### **Sizga ta'zim o'zbek ayoli**

Onalar bor shodlan, ey dunyo,  
Allasida toblan, ey dunyo,  
Qalbi uzra otlan, ey dunyo  
Sizga ta'zim o'zbek ayoli.

\* \* \*

Dunyoning go'zalligi,  
Navosi erur ayol.  
Ikki olam jannatin  
Sabosi erur ayol.

\* \* \*

Hayo, ibo, nazokat,  
Bordur o'zbek qizida.  
Shirin kalom, saxovat  
Bordur aytgan so'zida.

\* \* \*

O'zbekim ayollarin,  
Allasi olam tutsin.  
Barchasi bo'lishsin sog`  
Orzu, maqsadga etsin.

*Bahor fasli*

## **Bahor fasli kelganda**

Xushbuy atru, lolang bilan,  
Yurtinga xush kelding bahor.  
Ajib bir kuy, nolang bilan  
Qalblarda in qurding bahor.

\* \* \*

Tabiat bo'lar go'zal,  
Mayin esadi shamol,  
Yaproq yozar majnuntol,  
Bahor fasli kelganda.

\* \* \*

Bog' da bulbul, bolarilar uchishadi,  
Bolajonlar ko'klam bag'rin quchishadi,  
Kapalaklar guldan- gulga qo'nishadi,  
Bu san'atni yaratguvchi go'zal ba?or.

\* \* \*

Qaldirg' ochlar in qurishar ayvonlarda,  
Qushlar qo'shiq kuylashadi osmonlarda,  
Bahordan darak berar gul dovonlarda,  
Kelinchakdek pardozlanib kelar bahor.

*9-aprel. Amir Temur tavallud topgan kun*

## **Temuriylar davron surgan Vatan bu!**

O'zbek elim uning buyuk davlati,

Maqbaralar, madrasalar savlati,  
Meros erur ulug` tarix san'ati,  
Temuriylar davron surgan Vatan bu!

\* \* \*

Yurtga tinchlik olib kelgan,  
Temur buyuk qudrati.  
Jahongashta, sohibqiron  
Mangu yashar hikmati.

\* \* \*

Necha-necha davlatlarni,  
Hukmdori bo'lgan Temur.  
Undan qolgan buyuk tarix  
Zavol bilmas, qudratlidur.

\* \* \*

Qancha janggu jadallar ko'rib,  
Temurni kuzatib yurgan bu Vatan.  
Mard o'g`lonin bo'yin ko'rib  
Sinovlardan omon qaytgan bu Vatan.

*9 – may. Xotira va qadrlash kuni*

### **Xotira abadiy tiriklik ramzi**

Xotira-tiriklik,  
Xotira uyg`oq.  
Xotirasiz har odam  
Hamisha mudroq.

\* \* \*

Bugun buyuk o'tmishni,  
Xotirlaymiz do'stlarim.  
Kimlar bor, kimlar yo'qdir  
Diydor yarim, tun yarim.

\* \* \*

Xotira abadiy tiriklik ramzi,  
O'tmishni yod olish har inson farzi,  
Xotirlash qarz erur do'stlar, yoronlar,  
Bir-birin yod etish har kishin tarzi.

\* \* \*

Biz uchun jon berganlarni,  
Xotirlaymiz har bir kun.  
Pok ruhiga takbir aytib  
Qadrlaymiz mehnatin.

*25 – may. So'nggi qo'ng'iro` kuni*

### **Xayr jonajon maktab**

Jarangla qo'ng'irog`im,  
Jaranglasin ovozing.  
Xayr jonajon maktab  
Unutmamiz xush sozing

\* \* \*

Ko'zda nam, dilda quvonch,  
Bolalik tez, shoshqaloq.

Bugun jaranglar do'stim  
Bizga so'nggi qo'ng'iro`.

\* \* \*

Xayrlashgim yo'q sen bilan,  
Qadrdon, jonajon maktab.  
Senda ilm, do'stlar topdik  
Mehribon, onajon maktab.

\* \* \*

O'sib-ulg`aydik bag`ringda,  
Ziyolar maskani maktab.  
Bugun katta yo'lga chiqdik  
Xush qol endi, xayr, maktab.

*2 – iyul. Davlatimiz gerbi qabul qilingan kun*

### **Bu gerb o'zbekim ramzi**

Gerbimiz- iftixorimiz,  
Ona Vatan ramzidir.  
Istiqlol nashidasi  
Mag`rurlik va faxrimiz.

\* \* \*

Unda mujassamdur bepoyon dala,  
Daryolarimiz, paxta va g`alla.  
Ezgulikka chorlar Xumosi yana,  
Sen buyuk axdimiz erursan gerbim.

\* \* \*

Tiniq osmon, serquyosh,  
Amu va Sir qanoti.  
Bog`i jannat, boylikka kon  
Bu gerb o'zbekim ramzi.

\* \* \*

Sen muqaddas Vatanning,  
Qalbisan, yuragisan.  
Sadoqatli insonlar  
Qalb muhrida yashaysan.

*8 – dekabr. Davlatimiz qomusi qabul qilingan kun*

## **Yurtimning qomusi**

Yurtimning qomusi,  
So'zlar adolatdan.  
U yaralgan poklik  
Tinchlik, sadoqatdan.

\* \* \*

Istiqlol in'om etdi,  
Bizga qomusimizni.  
Unga qilib rioya  
Asraymiz yurtimizni.

\* \* \*

Bayroq, Gerb va Madhiya,  
Bosh qomusimiz bor.  
Tilimiz, dinimiz but



Tangri bo'lgay madadkor.

\* \* \*

Erkimiz, tinchligimiz,  
Azmu shijoatdandur.  
Adolat qomusimiz  
Mehru matonatdandur.

*Mirzo Ulug`bek tavallud topgan kun*

### **Buyuk sulton Ulug`bek**

Yulduzlar ilmin ochib,  
Yaratdi “Zij Ko'ragon”.  
Ham donish, sulton edi  
Mirzo Ulug`bek bobom.

\* \* \*

Sulton Mirzo Ulug`bek,  
Temur bobom naslidan.  
U yaratgan kashfiyotlar  
Bizga meros aslidan.

\* \* \*

Samarqandda ijod etdi,  
Ne-ne maktab barpo etdi.  
Erta kelib, erta ketdi  
Buyuk sulton Ulug`bek.

\* \* \*

Ibratli hikmatlar bitdi,  
Mirzo Ulug`bek bobom.  
Dovrug`i olamga etdi  
Mangu yashar bardavom.

*Qish fasli*

### **Billur kabi tovlanadi qor**

Ayvonlarning tarnovlarida,  
Billur kabi tovlanadi qor.  
Ajib qishning quchoqlarida  
She'rlar yozgim keladi takror.

\* \* \*

Tabiat oppoq libos,  
Kiyibdi, hoy, do'stlarim.  
Chana, chang`i uchamiz  
Tezroq kel, do'stim Karim.

\* \* \*

Qish fasli bu borliqqa,  
Oppoq unni elaydi.  
Rassom ayoq boboni,  
“Rasm sol”, - deb chorlaydi.

\* \* \*

Yashil archa barglari,  
Kamalakdek tovlanar.  
Bu oppoq qor parchasi  
Rang-barang jilolanar.

*Kuz fasli*

**Keldi go'zal oltin kuz**

Paxtalar qiyg`os bo'lib,  
Oltin kuzda ochildi.  
Bu bebaho boyliklar  
Xirmonlarga sochildi.

\* \* \*

Daraxtlar oltin rangdan,  
Libos kiyibdi qarang.  
Mevalar g`arq pishibdi  
Bargi qizg`ish, pushtirang.

\* \* \*

Polizlarda qovun, tarvuz,  
Pishgan, shirin hammasi.  
“Uzumdan eng”-der oltin kuz.  
Tilda qolar mazasi.

\* \* \*

Yurtimga salom berib,  
Keldi go'zal oltin kuz.  
O'zbek xirmoni to'ldi  
Hammaga keng rizq-ro'z.

*Qovoq sayli*

## **Shirin-shakar qovoqjon**

Ming dardga davu erur,  
Shirin-shakar qovoqjon.  
Bir esang, eging kelur  
Xushbo'y, asal qovoqjon.

\* \* \*

Do'stlar bugun bayramdur,  
Qovoq sayli bo'ladi.  
Oltin kuzda dasturxon  
Noz-ne'matga to'ladi.

\* \* \*

Turli xil somsa yopdi,  
Onam shirin qovoqdan.  
Hidi ishtaha ochdi  
Eb tugatdik tovoqdan.

\* \* \*

Kuzda pishib etilar,  
Uzun, o'rta, dumaloq.  
Urug`i ham davodur  
Oshqovoq, shakarqovoq.

*Salom maktab*

## **Salom nurli maskanim**

Salom nurli maskanim,  
Salom qarddon do'stlar.

Salom sirdosh kitoblar  
Bari murodga eltar.

\* \* \*

Maktabim – jonajon maskan,  
Qadrdon – onajon maskan.  
Sen qalbimga ziyo berding  
Muqaddas, mehribon maskan.

\* \* \*

Seni intizor kutdik,  
Birinchi qo'ng'iroq.  
Maktab bag`riga keldik  
Olay deb saboq.

\* \* \*

Ziyo maskan bog`ingda,  
Eng sara gullar terdim.  
Bag`ringda ulg`ayib men  
Sen-la, kamolga etdim.

*Madhiya qabul qilingan kun*

### **Mangu qo'shiq – madhiyam**

Istiqlolning ishonchi,  
Mangu qo'shiq – madhiyam.  
Sen dillarning quvonchi  
Mangu yasha, madhiyam.

\* \* \*

Sen yangragan pallada,  
Qo'lim doim ko'ksimda.  
Kuch bag`ishlab kuchimga  
Sen yashaysan qalbidamda.

\* \* \*

Har tong madhiya yangrar,  
Dillarga quvonch solib.  
Har so'zi bor jarangdor  
Qalbdamda abad in quramda.

\* \* \*

Seni kuylab baralla,  
Doim mag`rur yuraman.  
Mustaqil o'zbekimga  
Sodiq farzand bo'laman.

*Yoz fasli*

## **Yoz keldi, yur o'rtoqjon**

Fasllar eng go'zali,  
Serhosil yoz faslidur.  
Yozgi dam olish chog`i  
Bolalikning naqshidur.

\* \* \*

Shirin totli mevalar,  
Yozda pishib etilar.  
Ona yurt dasturxoniga

U rizq bo'lib to'kilar.

\* \* \*

Yoz. Tabiat go'zaldir,  
Tog`lar ta'zim qiladi.  
Bog`larda sa'va, bulbul  
Tinmay xonish etadi.

\* \* \*

Yoz keldi yur, o'ztoqjon,  
Bog`, qirlarga chiqaylik.  
Bu go'zallik qo'ynida  
Dildan yayrab o'ynaylik.

*1 iyun. Bolalar kuni*

**Bolajon o'zbekim, bolang ko'p bo'lsin**

Dunyoning shodligi, quvonchi farzand,  
Otarlar izdoshi, ishonchi farzand.  
Olamni tutadi uning kulgusi  
Mehribon onalar dilbandi farzand.

\* \* \*

Bolasi bor xonadonlar,  
Shodlikka to'lib ketar.  
Farzandlari sog`lom yurt  
Yuksalar, yashnab ketar.

\* \* \*

Ota-onalar ko'z oqu qarosi,  
Dillarni yashnatar, kulgu-navosi.  
Bu jajji qablarga kelar havasi  
Bolajon o'zbekim, bolang ko'p bo'lsin.

\* \* \*

Quvnoq kulgusi-la, olam shodlanar,  
Otalar sevinchi unga bog`lanar,  
Farzadga mehr-la, muhabbat yashar  
Mehrning mevasi aziz bolalar.

*Qushlar va gullar bayrami*

### **Bog`lari gulzor, chaman**

Mustaqil O'zbekiston,  
Bog`lari gulzor, chaman.  
Bu go'zallik bag`rida,  
Sog` o'sib, ulg`ayaman.

\* \* \*

Bog`larida xushovoz bulbuli bor,  
Nomozshomgul, atirgulu rayhon bor.  
Bu betakror go'zalliklar bizda bor  
Jannatmakon yurtga Tangri madadkor.

\* \* \*

Xushbo'y, chaman atirgul,  
Shoxida sayrar bulbul.  
Kapalaklar qo'nishib  
Mahliyo bo'lar butkul.



\* \* \*

Nafis rayhon, lolalar,  
Xushbo'y hidi mast etar.  
Zavqlanishib qushchalar  
Ona yurtni madh etar.

### **Suv aziz, obi hayot**

Suv tiriklik yuragi,  
Har tirik zot keragi.  
Tabiatning istagi  
Suv aziz, obi hayot.

\* \* \*

Yaratganning in'omi,  
Har tomchisi azizdir.  
U – hayotning davomi  
Insonga suv-lazizdir.

\* \* \*

Suv bilan tirik hayot,  
Suv bilan go'zal olam.  
U borliqqadur najot  
Suv borki, yashar odam.

\* \* \*

Tog`lardan oqib tushar,  
Shaffof, shirin, zilol suv.  
Ona er qonib ichar,

Hayot ramzi, halol suv.

*26 aprel. Muhammad Yusuf tavallud topgan kun*

### **Otashin qalb, ustoz shoir**

Erk va muhabbat kuyini,  
Kuylab o'tdi Muhammad.  
Chin insoniy hissani  
So'zlab o'tdi Muhammad.

\* \* \*

Ona Vatan madhini,  
Jo'shib kuyladi shoir.  
Xalqning buyuk dardini  
Qo'shib kuyladi shoir.

\* \* \*

Andijonning mard o'g'loni,  
Tengsiz edi, tanti edi.  
Otashin qalb, ustoz shoir  
Bugun ellik beshga to'ldi.

\* \* \*

Kapalakjon, mehribonginam,  
Qizg`aldoqning qo'lidan tutgin.  
Marhamatga shoshil ushbu dam  
Muhammadni ziyorat etgin.

### **Non – tanga darmon**

Dunyoda eng lazzatli,  
Tanga darmon shirmoy non.  
Hammaga u hurmatli  
Obi non, rohatijon.

\* \* \*

Bobolarim e'zozlab,  
Peshonasidan o'pgan.  
Shu nonga etish uchun  
Mehnat qilgan, ter to'kkan.

\* \* \*

Uning ushog`i ham non,  
Me'daga hech urmaydi.  
Nonsiz bilgi do'stlarim  
Bir kuning ham o'tmaydi.

\* \* \*

Har bir xonadonda,  
Yopiladi shirin non.  
U doim dasturxonga  
Bo'lar hamisha mehmon.

## **Cekish-illat**

Cekish – illat, og`udir,  
Jaholatga etaklar.  
Mnsonni yo'ldan urib  
Xor – zor etar, ermaklar.

\* \* \*

Chang soladi sog`likka,  
Umruga g`ov bo'ladi.  
Iste'mol qilgan kishi  
Ming dardga chalinadi.

\* \* \*

Do'stlar keling, kurashaylik,  
Ichkilik va chekishga.  
Hamda sog`lik ulashaylik  
Kelajakka, zaminga.

\* \* \*

Tamaki, og`ularni,  
Do'stlar iste'mol qilmang.  
Shu go'zal hayot uchun  
Sog`likdan hech voz kechmang.

### **Sport – sog`lik garovi**

Sog` tanda, sog`lom aql,  
Sport-sog`lik demakdir.  
Har bir yoshning burchi bu  
U hammaga ko'makdir.

\* \* \*

Biz doim tongda turib,  
Yuguramiz, elamiz.  
Sportga mehr qo'yib  
Shaxdam qadam qo'yamiz.

\* \* \*

Maktabimiz bog`ida,  
Sport maydonchasi bor.  
Bolalar gavjum bo`lib  
O`ynashishadi futbol.

\* \* \*

Jismonan sog`lom bo`lish,  
Biz yoshlarning burchimiz.  
Jonajon Vatan uchun  
Kerak bo`lar kuchimiz.

### **Zulfiyaxon qizlari**

O`zbekning latofatli,  
Ayolidur Zulfiya.  
U she`riyat olamin  
Shaydosidur Zulfiya.

\* \* \*

Ul inson hayot erur,  
Bordur o`chmas izlari.  
Tinmay ijod qilishar  
Zulfiyaxon qizlari.

\* \* \*

Ijod maydonida tengsiz,  
She`rlar bitdi Zulfiya.  
Qalbi erur toshqin dengiz

Mangu yashar Zulfiya.

\* \* \*

Ijodkoru, san'atkorlar,  
Zulfiyaxon qizlari.  
Hunari zar, chevardur  
Zulfiyaxon qizlari.

## **Mansur YUNUS**

Shoir, jurnalist.

Respublika gazetalarida va “Muhammad Yusuf” fondida turli vazifalarda faoliyat yuritgan.

2005-2007 yillar “Nihol” bolalar gazetasida Bosh muharrir lavozimida ishlagan.

2010 yilda O`zbekiston Respublikasi Prezidenti huzuridagi Davlat va jamiyat qurilishi akademiyasini tamomlagan. “Tong sabolari”, Mangu lahzalar” kitoblari chop etilgan.

Ozbekiston Respublikasi Prezidentining 20 yillik esdalik ko`krak nishoni bilan taqdirlangan.

O`zbekiston Milliy universitetida bolalar nashrlari mavzusida fan nomzodligi ishini olib bormoqda.

Hozirda Oliy va o`rta maxsus ta`lim vazirligi Ma`naviyat va ma`rifat markazida bo`lim boshlig`i lavozimida ishlamoqda.